



菩薩當具足菩薩道

「大智度論」集粹之六十五

須菩提白佛言：「菩薩摩訶薩當云何具足菩薩道，能得阿耨多羅三藐三菩提？」

佛告須菩提：「若菩薩摩訶薩行般若波羅蜜時，以方便力故，行檀波羅蜜，不得施、不得施者，不得受者，亦不遠離是法行檀波羅蜜，是則照明菩薩道。如是，菩薩以方便力故，具足菩薩道，具足已，能得阿耨多羅三藐三菩提。持戒、忍辱、精進、禪定、智慧，乃至十八不共法亦如是。」

舍利弗白佛言：「云何菩薩摩訶薩習般若波羅蜜？」

佛告舍利弗：「若菩薩摩訶薩行般若波羅蜜，以方便力故，不壞色，不隨色，何以故？是色性無故，不壞、不隨，乃至色亦如是。菩薩摩訶薩行般若波羅蜜，以方便力故，檀波羅蜜不壞，不隨，何以故？檀波羅蜜性無故，乃至十八不共法亦如是。」

舍利弗白佛言：「云何菩薩摩訶薩不學般若波羅蜜，不能得阿耨多羅三藐三菩提？」

佛告舍利弗：「不離方便力故可得。若菩薩摩訶薩行般若波羅蜜，若有一法可得，應當取，若不可得，何所取？是般若波羅蜜不可取相，乃至一切諸佛法不可取相。是名不取般若波羅蜜，乃至佛法。是菩薩摩訶薩所應學，於是中學時，學相不可得，何況般若波羅蜜，佛法、菩薩法、辟支佛法、聲聞法、凡夫人法！何以故？諸法無一法有性，如是無性諸法，何等是凡夫人、須陀洹、乃至菩薩、佛？若無諸賢聖，云何有法？知是法故，分別說是凡夫人、須陀洹，乃至菩薩、佛。菩薩摩訶薩行般若波羅蜜時，以方便力故，見諸法無性、無根本故，能發阿耨多羅三藐三菩提心。」

智 銘

諸法根本實無我，無所有，性常空，但顛倒愚癡故，衆生著陰，入、界。是菩薩摩訶薩，見諸法無所有、性常空，自性空

時，行般若波羅蜜，爲衆生說法；慳者爲說布施法，破戒者爲說持戒法，瞋者爲說忍辱法，懈怠者爲說精進法，亂想者爲說禪定法，愚癡者爲說智慧法。令衆生住布施乃至智慧，然後爲說聖法能出苦。用是法故，得須陀洹果，乃至得阿耨多羅三藐三菩提。

菩薩行般若波羅蜜時，得無所得，不得衆生，但空法相續故，名爲衆生。菩薩住二諦中爲衆生說法：世諦、第一義諦。二諦中衆生雖不可得，菩薩行般若波羅蜜；以方便力故，爲衆生說法，衆生聞是法已，悟今世吾我尚不可得，何況當得阿耨多羅三藐三菩提及所用法！

若衆生先有後無，諸佛、菩薩則有過罪。諸法六道亦如是，若先有後無，諸佛、菩薩則有過罪。今有佛、無佛，諸法相常住不異，諸法相中尚無我、無衆生、無壽命，乃至無知者、見者，何況當有色、受、想、行、識！若無是法，云何當有六道往來，拔出衆生處？是諸法性常空，以是故，諸菩薩摩訶薩從過去佛聞是法相，發阿耨多羅三藐三菩提意。是中無有法我當得，亦無有衆生定著處，法不可出，但以衆生顛倒故著。以是故，菩薩發大莊嚴，常不退阿耨多羅三藐三菩提，是善不疑，我當不得阿耨多羅三藐三菩提，我必當得阿耨多羅三藐三菩提。得阿耨多羅三藐三菩提已，用實法利益衆生，令出顛倒，成就衆生，淨佛國土，無衆生法可度。

須菩提白佛言：「何等是菩薩摩訶薩道？菩薩用是道能成就衆生，淨佛國土？」

佛告須菩提：「菩薩摩訶薩從初發意已來，行檀波羅蜜、行尸羅、羸提、毘梨耶、禪、般若波羅蜜，乃至行十八不共法，成就衆生，淨佛國土。」

菩薩行檀波羅蜜時，自行布施，亦教衆生布施，但莫著布施，著布施故當更受身，更受身故多受衆苦。諸法相中無所施、無施者、無受者、是三法性皆空，是法性不可取，不可取相是

性空。不得是三法故，令得須陀洹果，乃至阿耨多羅三藐三菩提。

是菩薩住檀波羅蜜中，教衆生忍辱，一切法中無有堅實，一切瞋惱，是因緣空無堅實，皆從虛妄憶想生，無有根本，瞋恚壞心，惡口罵詈，刀杖相加，以至害命，莫以是虛妄法起瞋故，墮地獄、畜生、餓鬼中及餘惡道，受無量苦。莫以是虛妄無實諸法故而作罪業，以是罪業故，當不得人身，何況得生佛世。佛世難值，人身難得，莫失好時，若失好時，則不可救。是菩薩如是教化衆生，自行忍辱，亦教化他令行忍辱，讚歎忍辱法，歡喜讚歎行忍辱者。

菩薩摩訶薩住檀波羅蜜中，令衆生精進，菩薩見衆生懈怠，令因緣具足，若布施、若持戒、若忍辱。如是等因緣，令具足。是衆生得菩薩利益因緣故，身精進，口精進，心精進。精進故，一切善法具足，修聖無漏法，得須陀洹果乃至辟支佛道，若得阿耨多羅三藐三菩提。

菩薩見衆生亂心，當與衆生作因緣，以是因緣故，令心不隨覺觀，心不馳散，衆生以是因緣故斷覺觀，入初禪、二禪、三禪、四禪，行慈、悲、喜、捨心，衆生以是禪、無量心因緣故，能修四念處乃至八聖道分，修三十七助道法時，漸入三乘，而得涅槃，終不退失。

菩薩見衆生愚癡，無有智慧，教令智慧所須，所謂布施、持戒、忍辱、精進、入禪定。是因緣具足已，教令思惟：思惟般若波羅蜜時，有法可得不可得？若我、若衆生、若壽命，乃至知者、見者可得不可得？若色、受、想、行、識，若欲界、色界、無色界、若六波羅蜜，乃至若阿耨多羅三藐三菩提可得不可得？是衆生如是思惟時，於般若波羅蜜中，無有法可得可著處。若不著諸法，是時，不見法有生有滅，有垢有淨，不分別是地獄、是畜生、是餓鬼、是阿修羅衆、是天、是人、是持戒、是破戒，乃至是辟支佛、是佛。

菩薩摩訶薩以無漏聖法攝取象法、教化衆生，令得離三惡道，乃至一切生死往來苦。」

先是須菩提請問佛，菩薩應如何具足菩薩道，能得阿耨多羅三藐三菩提。佛告以：若菩薩六波羅蜜等諸法，以方便力和合故能行，是時，具足菩薩道，方便力者，不決定得是布施等三事，亦不離是三事，而行檀波羅蜜。是時，照明菩薩道。照明、具足，是一義。若菩薩決定得布施等三事，直墮常顛倒，取相著法等過罪。若不得是三事，則墮斷滅邊，著空還起邪見等諸煩惱，便離菩薩道。若菩薩離是二邊，因空捨是施等假名字虛誑法；因諸法實相，離是著空，無施者、無受者。如阿耨多羅三藐三菩提相，觀是布施亦爾無異。如是布施，名爲具足。乃至十八不共法，亦如是。

舍利弗在會中，聞佛與須菩提說般若甚深果報，大有利益，雖有利益，無決定性，因而問佛：云何可習？佛告以：菩薩行般若波羅蜜時，不壞色，不隨色。如是名習般若波羅蜜。

菩薩初發心，爲知實法故，常行般若波羅蜜，次第隨其所宜，行布施等法。所謂色不壞者，不言是色無常，不言是色空無所有，是名不壞色。不隨色者，不爲眼見色取相生著。又不說是色若常、若無常，若苦、若樂等，是名不隨色。見色常、無常等，皆非色實相。不說是色根本從世性中來，若從微塵中來，從大自在天中來，亦不說從時來，亦不說自然生，亦不說無因緣而強生。如是等名爲不隨、不壞。

是色性無故，不隨、不壞。性無者，是色從一切四大和合，假名爲色，是中無定一法名爲色。是色從因緣和合生故，即是無性，若無性即是性空，若得是色相性空，即是習般若波羅蜜。乃至十八不共法，亦如是。

若菩薩用方便力，行六波羅蜜，是人雖知諸法空，而能起般若波羅蜜。若菩薩求一切法，若得少許定性，則可取可著，今菩薩實求覓一切法，不得定實，所謂是般若波羅蜜，是禪波羅蜜，

乃至是十八不共法。是諸法皆不可得，不可得故何所取？是名菩薩無取般若波羅蜜。菩薩應學無取般若，無取尚不可得，何況般若等諸法！一切法無性故。

一切法雖無根本定相，但凡夫顛倒故著，菩薩行般若波羅蜜時，以方便力故，見一切法無根本，而發阿耨多羅三藐三菩提心。是菩薩深行諸法性空故，不見一切法有根本，不見故，不懈不退，了了知一切法無我，無我所有性，性常空。但衆生愚癡顛倒故，著是陰、界、入。菩薩因衆生深著虛誑顛倒，說法度人，無憎無愛，等心說法。爲說五欲利少失多，受世間身但有衰苦，讚歎遠離世間斷愛法，然後爲說四諦，令得須陀洹果，乃至得一切種智。

菩薩行般若波羅蜜時，不見衆生及法，但諸因緣和合，假名衆生。菩薩住二諦中，爲衆生說法，不但說空、不但說有；爲愛著衆生故說空，爲取相著空衆生故說有。有無中二處不染，如是方便力爲衆生說法。衆生、現在我身及我當不可得，何況當得阿耨多羅三藐三菩提！

所謂無有法可得，若一相，若異相。大心人無所依止而能發大莊嚴，大莊嚴故不生三界，亦拔衆生令出三界。而衆生不可得，不縛不解故，一切法空。從久遠已來，煩惱顛倒，皆是虛誑不實，是故名無縛，無縛故亦無解。縛即是垢，解即是淨。無垢無淨故，無六道分別，不分別六道故，無罪福業，罪福業無故，無煩惱能起罪福業者，不起罪福業，亦不應有果報。如是諸法畢竟空中而作大莊嚴。

菩薩於諸佛所，聞諸法如是相故，發阿耨多羅三藐三菩提心，作是念：菩薩中亦無有法可得，亦無實定法令衆生著而不可度，但衆生顛倒癡狂故，著是虛誑法。是故菩薩發大莊嚴，不轉於阿耨多羅三藐三菩提。作是念：我必當得阿耨多羅三藐三菩提，非不得。得已，用實法利益衆生，利益衆生故，衆生從顛倒得出。菩薩從諸佛聞一切法性空如幻，而以布施等利益衆生，欲求恩

惠福報，即是顛倒。

須菩提再問佛：「何等是菩薩摩訶薩道？菩薩行是道，能成就眾生，淨佛國土？」

佛告以：菩薩從初發心，行六波羅蜜，乃至十八不共法，是菩薩道。行是道，成就眾生，淨佛國土。菩薩以方便力故，以布施法教化眾生，不教令著布施以爲真實。教令莫著布施，若以布施爲貴樂處，貴樂因緣故生我憍慢，我憍慢增長故破善法，破善法故墮三惡道。是故菩薩先教言，莫著布施，但因是布施修持戒等善法，皆迴是法向涅槃。

所以者何？是性空諸法實相，不可取相，如是菩薩方便力教化眾生，令得須陀洹果乃至佛道。是菩薩自行布施，亦教眾生布施。若不自施，或有人言：若施是好法，何不自行？是故，菩薩須先自布施，菩薩深愛善法，布施是初門，是故行是布施。又菩薩深慈悲眾生，以慈悲心雖大，而不能充滿眾生，是故先行布施，令其心軟，可以引導。以四攝法攝取眾生，漸漸以三乘法令得涅槃。

以布施攝已，漸漸教令持戒、禪定等，乃至得辟支佛道，菩薩自大乘得度，以三乘隨眾生所應度而度之，既自利益，復利益他人，利益他人者，既自得佛，而以三乘度脫眾生。若菩薩能如是行般若波羅蜜者，從初發心，修不墮三惡道。

菩薩多生欲界，何以故？以無色戒中無形故，不可教化，色界中多昧著禪定樂，無厭惡心，故難化。在人中，世世以四事攝眾生故，作轉輪聖王。

菩薩行檀波羅蜜時，見眾生破戒，以其因緣不具足故破戒，應給予所須，成就其持戒因緣。若眾生以不如意事故瞋，菩薩隨其意而給足之。若眾生鬥諍作罪，教令莫於根本空中鬥諍作罪。鬥諍故，人身當不可得，何況值佛！當知人身難得，佛世難值，好時易過，一墮諸難，永不可治。眾生得是性空，漸漸得阿耨多羅三藐三菩提，入無餘涅槃。

（上接第44頁「虛雲和尚」）

你從此地向東南行，走五六十里，經過毘霞村，就到一處叫做拉吉的小村，那古代的王舍城就在附近了。佛陀得道的事跡，都在那周圍，不過如今都成了荒野，不容易尋覓了。」

德清道：「這却如何是好？我怎能找尋呢？」

老人道：「別說你是外來人找不到，就是本地人也不大知道了，不過你也不必着慌，你萬里辛苦來到，又是誠心拜佛，總會尋到的。你不如且到那城外東南方大路口等候，明日或有錫蘭佛教僧人來此前往拜佛跡，你就可跟了一路去，錫蘭僧人年年來拜，路途是熟的，你也不用問路了。」

德清大喜，連忙拜謝，因問：「老丈爲何會講中國話？」

老人說：「我幼年隨父親到中國北京天津販賣貨物，學得幾句。」

德清再三道謝，那老人逕自去了，德清就依其言，走到城外，果見東南方有條分叉路口，他就在那路邊打坐露宿等候。

次晨拂曉，他醒來，仍在耐心等待，到了旭日升起，朝陽金光照射之東邊樹林後面，果然出現了一隊身披杏黃袈裟的佛教和尚，原來正是來自錫蘭島的佛教僧人，他們年年多在春天前來朝聖，以免遇到夏天的洪潦與颶風災禍——這印度孟加拉灣年年到了夏天就有颶風暴雨，海上風浪兇險，印度東邊也常常被海嘯與颶風暴雨侵襲，往往數千里皆成澤國——德清趕早來印度，倒是誤打誤中了，他若聽人言語拖到夏天喜馬拉雅山雪融才來，那就正好碰上大水爲災，洪水把村莊都沖去，淹死的印度人，數以千萬百萬計，到處是幾十尺深洪水，無法旅行了，他在此時初春來到，春潦已經漸漲，恒河混濁，可也還未成災呢！

德清哪知這許多？他哪知道他此次多麼幸運？（未完）